

53792

Biblioteka Jagiellońska



stdr0023244

DISPUTATIO
METAPHYSICA II.

DE
ENTE UT SIC,

QVAM
PRÆSIDE
M. MARTINO BERTLEFFIO,
Prof. Publ.

præviâ Ejusdem prælectione publicâ

RESPONDENS
CHRISTOPHORUS EISWAGEN, Thorun.

adversus

TOBIAM BÖCKELMAN, Smiglâ-Polon.
DANIELEM BAUSIUM, Pomer.
JOHANNEM BRAÜNING, Smiglâ-Pol.

defendet

IN GYMNASIO THORUNENSI,

A.O.R. M. DCC. III. die 2. Maji,
hæc confectis.

THORUNII,

UNA NOBILISS. SENATUS
& GYMNASII.

Filoz. vol. 1117

STATES

AMERICAN

TO THE

OFFICE



53192

L

AMERICAN

STATES

STATES

AMERICAN

STATES

THESES I.

Ens ut sic datur in rerum natura.

Hypothesis.

EXaminata Metaphysices Constitutione Natura Entis consideranda venit. Sumitur autem (1) Ens vel *Latissimè* pro omni eo, quod potest in propositione per copulam componi, sive sit Ens reale, sive rationis, sive privationis. Vel *Strictissimè*, ut soli DEO competit Exod. 3. 14. Apoc. 1. 4. 8. Vel *Strictè*, *Proprie ac Intermediè*, quatenus neque omnia includit, neque omnia præter DEUM excludit, sed indifferens est ad creatum & increatum &c. de hoc. (2) Ens sumitur vel *Participialiter*, sive *Adjectivè*; vel *Nominaliter*, sive *Substantivè*: de hoc. (3) Ens est vel *Positivum*, vel *Negativum*: de illo. (4) *Reale* vel *Rationis*: de illo. (5) *Actu* vel *Potentia*: de illo. (6) *Complexum* vel *Incomplexum*: de hoc. (7) Ens consideratur in quadruplici statu, nempe: *Fundamentali*, *Ideali*, *Universali* & *Formali*, de hoc.

Catathesis.

Dari Ens ut sic in rerum natura prob. (1) q. datur de hoc Ente distincta disciplina. (2) q. est primò cognitum. (3) quia habet Affectiones reales & prædicata realia: quæ omnia veritatem ejusdem abunde demonstrant.

Antithesis.

Objic. 1. Ens ut sic est vel creatum, vel increatum: non illud; quia sic excluderetur

DEUS: non hoc; q. sic excluderet res creatas, E. non datur in rerum natura. R. Ens ut sic est indiffirens ad creatum & increatum, sicut animal ut sic ad hominem & brutum.

Obj. 2. Q. non potest esse objectum intellectus, illud non datur in rerum natura. Atque Ens ut sic non potest esse objectum intellectus: E. R. dist. inter objectum *Qvod* & *Qvo*. Ens ut sic non est objectum intellectus ut *Qvod*, Conc. ut *Qvo*, Neg. Min.

THESES. II.

Cognata Entis Synonymica sunt Res, Aliquid, Existencia, Forma, Natura, Ratio, Quiditas, Terminus.

Hypothesis.

AD illustrandam Thesin (1) Dist. inter Synonyma Grammatica & Logica: de illis. (2) dist. inter Reciprocationem in re ratione essentiali & ratione suppositi: de illa. (3) dist. inter æquipollere Enti omni & certo modo: priori respectu æquipollent Enti Res & Aliquid; posteriori reliqua. (4) dist. inter Rem in generalissima, propria & strictissima significatione: de omni h.l. (5) dist. inter Rem & Modum Rei: de illa. (6) dist. inter Aliquid, quasi habens aliquam quidditatem vel aliud quid: de illo. (7) dist. inter Existentiam sumptam Strictè pro subsistentia; Absurdè pro statu & conditione rei; & Proprie, ut dicit actualem essentiam: de hac. (8) dist. inter Formam totius

sive

sive Metaphysicam, & Partis sive Physicam: de illa. (9) dist. inter Naturam, prout significat ingenium, vim, inclinationem, & prout notat principium proprietatum & operationum: de hac. (10) dist. inter Rationem, quæ dicit ipsam essentiam in respectu ad cognitionem nostram, & ut denotat intellectum, operationem mentis, vel probationem aut modum tractandi &c. de prima signif. h. l.

Catathesis.

Res, Aliquid &c. esse Synonyma Entis inde patet: quia convertuntur cum Ente simpliciter, & æquipollent Enti partim omni modo, partim certo modo, ut fusè docuit B. D. Calov. in Metaphys. div. p. 156. seqq.

Antithesis.

Obj. 1. Res est affectio Entis, E. non ejus Synonymum. **R.** Neg. Antec. Nam Res & Ens tantum Etymologiâ & vocis impositione distinguuntur, ita ut hoc ab Esse, illa à quidditate reali desumatur. E. non constituit peculiarem affectionem.

Obj. 2. Aliquid dicitur quasi aliud quid, & sic diversitatem Entis significat, E. non est Synonymum Entis. **R.** Derivationem hanc esse falsam, rectiusq; dici Aliquid quasi habens quidditatem aliquam, & sic æquipollet Enti simpliciter.

Obj. 3. Aliquid dicitur de Ente Rationis & privationis, de quibus Ens dici non potest, E. Aliquid non est Synonymum Entis. **R.** De quibus

Ens dici non potest in latissimo & strictissimo
significatu Neg. in Stricto ac Proprio dici non
potest Conc. Ant. Neg. Conseq.

THESES. III.

Ens definiri non potest.

Hypothesis.

Intelligenda est Thesis (1) de Ente quò Ente,
adeoque de objecto Metaphysicæ adæquato.
(2) de Definitione Logica, perfecta & strictè
tali; non de descriptione, vel analogicè sic
dicta definitione.

Catathesis.

Ens non posse definiri accuratè prob. (1) q.
universalissimum esse & aliquid supra se ge-
neralius vel juxta se æquale agnoscere, con-
tradictionem implicat. (2) q. omnis definitio
propriè & strictè talis est tantum rerum compo-
situm. Ens autem non est compositum sed
simplicissimum quid.

Antithesis.

Objic. 1. Ens est, cui non repugnat existere,
E. Ens potest definiri. R. De Ente in genere
& adæquato Metaphys. objecto Neg. de Ente
in potentia Conc. totum. Dein, à posse ad esse
N. V. C.

Obj. 2. Ens est, quod non habet prædicata
se mutuo destruentia, E. Ens definiri potest.
R. per Inst. Nec non Ens habet prædicata se
mutuo destruentia, c. g. chimæra, biceps mon-
strum; non tamen ideo evadit Ens.

THES.

21

THESIS IV.

Ens est, quod intrinsecè habet essentiam realem & positivam.

Hypothesis.

PRO explicanda Thesi Not. (1) Ens intelligendum esse, prout est extra intellectum, non prout incipit ab intellectu. (2) Habere essentiam non aliud esse, quàm operari & influere in aliquid, habere affectiones, agnoscere qualemcumque definitionem, & esse tale quid, quod fieri non implicat.

Catathesis.

ENS rectè à Philosophis describitur per essentiam tanquam per formam, tam per relationem ad mentem nostram, prout abstractè consideratur, quàm pro ratione inexistenti, in quantum in natura ponitur.

Antithesis.

Obj. 1. Hæc descriptio est circularis, quoniam æquè dubium est habere essentiam & esse Ens, E. est vitiosa. R. (1) dist. inter Circulum & Regressum: hic Conc. ille Neg. R. (2) Neg. prob. q. Habere essentiam notius est quàm esse Ens.

Obj. 2. Essentia, per quam definitur Ens, aut est Ens, aut non Ens. Si prius, idem per idem definitur: si Posterius, E. non Ens definire poterit Ens. R. (1) Non esse sufficientem partium enumerationem, & sic malè concludi à non distributo: q. essentia est forma Entis: datur

itaque tertium. R. (2) E. idem per idem definitur, materialiter Conc. formaliter Neg.

THESIS V.

Ens est conceptus latissimus.

Hypothesis.

Sermo hic est de Ente ut sic, non de Ente præcisè. (1) Non de communitate rei, sed de communitate nominis. (1) Non de conceptu Entis, relatè ac sub expressiori ratione in immediatè inferioribus spectato; sed absolutè & in præcisione, prout abstractus ab omnibus sese intellectui nostro sistit.

Catathesis.

Verè dicitur de Ente, quod sit conceptus generalissimus: quoniam omnia, quæcunque extra nihil constituta sunt, Entia sunt, imò si in latissima signific. sumatur, etiam quæ futura non sunt, modo ipsis non repugnet existere, Entis nomen sibi vendicant.

Antithesis.

Objic. 1. Intelligibile, Aliquid, Aliquid positivum & Essentia sunt genus Entis, E. Ens non est conceptus generalissimus. R. Neg. Antec. q. (1) implicat esse generalissimum conceptum & habere genus. (2) q. Genus debet esse Synonymum Logicum, quod univocè prædicatur de inferioribus: at Aliquid & Essentia sunt tantum Synonyma Grammatica æquè latè patentia. (3) q. Intelligibile cum Ente convertitur, E. non est genus.

Obj. 2.

Obj. 2. Minus Universale, ut est species specialissima, plura sub se comprehendit, quàm Ens: quia species specialissima comprehendit infinita individua, E. Ens non est conceptus generalissimus. & Plura sub se comprehendit species specialissima immediatè Conc. mediatè Neg. q. Ens comprehendit sub se species, quæ sub se comprehendunt infinita individua, E. est latius & communius.

THESES VI.

Ens est primò cognitum.

Hypothesis.

VAlet Axioma (1) de Ente concreto singularizato & in statu fundamentalis; non de Ente ab inferioribus præcisè abstracto & statu ideali sumpto. (2) de cognitione confusa & originali; non de distincta sive habituali. (3) de cognitione intellectiva non sensitiva.

Catathesis.

ENS esse primò cognitum prob. (1) q. Indoles intellectus nostri hæc est, ut in cognoscendis rebus exordium capiat à communissimis & ab his ad adæquatam rerum cognitionem progrediatur: quoniam intellectus noster est agens naturale, quod à potentia procedens in actum, ab imperfectiori tendit ad perfectum, à confuso ad distinctum. Sed imperfectissimus est conceptus Entis primùm actuans & terminans intellectum. (2) q. ut se habet sensus in sentiendo, ita intellectus in intelligendo. At

sensus primò apprehendit communia, E. & intellectus.

Antithesis.

Obj. 1. Ens ut sic est remotissimum à sensu, E. non est primò cognitum ab intellectu. R. (1) per Inst. DEUS est remotissimus à sensu, attamen potest dici primum cognitum naturale. R. (2) de cognitione distincta Conc. de confusa Neg. Conseq.

Obj. 2. Q. est prius naturâ, id est ultimum in cognitione. Atque Universalia sunt prima naturâ, quæ est Ens ut sic, E. Universalia sunt ultima cognitione. R. dist. inter prius naturâ secundum perfectionem naturæ & secundum processum naturæ; quoad illam Neg. Min. quoad hunc Neg. Majorem.

Obj. 3. Ens ut sic est cognitu difficillimum, E. non est primò cognitum: q. intellectus à facillioribus ad difficiliora pergitt. R. de cognitione distincta Conc. de confusa Neg. Ant. & Conseq.

THESIS VII.

Conceptus Entis tam Formalis, quàm Objectivus est unus, & abstractus ab inferioribus.

Hypothesis.

Hic (1) dist. inter unum rei ac nominis simul; & rationis tantum. Illo modo unus est Conceptus Formalis, hoc objectivus. (2) dist. inter præcillum ratione tantum & realiter: utroque

25

modo præcisus est Conceptus Formalis. (3)
dist. inter abstractum abstractione Præcisionis
& Exclusionis: illo modo abstrahitur Conce-
ptus Objectivus.

Catathesis.

Quoad prius membrum Theseos prob. (1)
quod detur Conceptus Entis formalis: q.
datur species, quâ Ens idealiter præsens menti
fistitur. (2) Eundem conceptum esse re & no-
mine unum: q. singularis est & individuus, ut
quævis species repræsentativa: & vox Entis
una & simplex est, eâque auditâ mens nostra
non distrahitur hinc inde sistendo sibi plures
naturas; sed potius his omnibus commune esse
concepit. (3) Quod sit abstractus ab inferiori-
bus scil. substantiæ & accidentis conceptibus:
q. alia specie indiget mens nostra ad concipiendam substantiam vel accidens; aliâque ad communem utriusque rationem. Quoad membrum posterius prob. (1) Dari conceptum objectivum: q. datur natura Entis omnibus communis; secundum quam unumquodque Ens dicitur, quâ per formalem conceptum repræsentatur. (2) Eundem esse unum: q. necesse est dari talem conceptum objectivum, qui adæquatè respondeat Entis conceptui formali, nec expressè dicat substantiam vel accidens: quoniam Formalis Conceptus totam suam unitatem & rationem habet ab objecto. (3) Esse abstractum præcisivè: q. cognoscitur conceptus communissimus non apprehensus distinctis ac determinatis essendi rationibus.

Anri-

Antithesis.

Obj. 1. Q. est singulare; id non potest esse objectum intellectus. Atq; Conceptus Formalis est singularis, E. R. Singulare non potest esse objectum intellectus, potest tamen repræsentare rem universalem: sic Idea in intellectu est singularis in existendo; est tamen universalis in repræsentando.

Obj. 2. Si daretur conceptus objectivus, esset unus; sed non potest esse unus: q. intellectus plura simul apprehendere potest. E. non datur. R. Neg. Subsumptum cum probat. qviam intellectus plura potest concipere diversis actibus distincte, & uno actu confuse.

THESIS VIII.

Entis-Conceptus non est Univocus.

Hypothesis.

Scotistæ solent distingvere inter Univocum *Physicum, Logicum & Metaphysicum*. Illud dicunt esse speciem infimam. Istud dicunt consistere in convenientia primarum notionum in secundis, nim. genere & specie. Hoc esse conceptum ipsum formalem: atque hoc iterum duplici modo se habere: Vel qvat. contradiungitur æquivocis & sic complectitur Analoga; Vel qvat. omnimodam rerum in definitione convenientiam dicit. Nullo modo est Univocum Ens, nisi Metaphysicum in priori respectu, qvat. idem est ac Analogum.

Catathesis.

ENS non est Univocum. (1) q. Ens non est genus nec species. (2) q. creaturæ non eandem Entis speciem à DEO recipiunt, quam ipse habet infinites perfectam; sed imperfectam & mutilatam. (3) q. univocata in ratione sui univoci sunt æqualia, neque aliquid plus participat de eo, quam reliquum.

Antithesis.

Obj. 1. Q. conceptus est unus, ille etiam est univocus. Atque conceptus Entis est unus, E. & Neg. Maj. q. aliud est unus, aliud univocus. Potest esse conceptus per analogiam unus, non tamen univocus.

Obj. 2. Ubi est præcisio, ibi & univocatio. Atque in conceptu Entis est præcisio, E. & Neg. Maj. q. præcisio etiam datur in analogia.

Obj. 3. Ubi est nomen & essentia communis, ibi etiam est univocatio. Atque in conceptu Entis, E. & Neg. Maj. Ubi est nomen & essentia communis æqualiter, ibi datur univocatio. Conc. ubi inæqualiter Neg. Maj.

THESIS IX.

Entis conceptus non est æquivocus.

Hypothesis.

Logici solent distingvere inter Æquivocum consilio & casu. de utroque. Alii dist. inter Æquivocationem Logicam, Rhetoricam & Politicam; de omni h. l. Alii dist. inter æquivoca simpliciter & secundariò: hæc iterum vel in æqui-

æquivoca Dependentiæ, quæ vocant Analoga ;
vel in æquivoca similitudinis. Denique dist.
inter æquivoca materialiter & formaliter con-
siderata: de illis.

Catathesis.

ENS non esse æquivocum prob. (1) q. Æqui-
voca nec pariunt scientiam, nec prædicata
habent essentialia, in qua possint resolvi, nec
de illis aliquid certi propter indistinctionem
potest prædicari: At hæc omnia dantur in Ente,
E. non est æquivocum. (2) q. si Ens de DEO
& creaturis æquivocè diceretur, nihil de DEO
naturaliter cognosceretur contra Rom. 1. 19. 20.

Antithesis.

OBJIC. 1. Ens dicitur æquivocè de DEO & crea-
turis: q. creaturæ respectu DEI non sunt
dignæ nomine Entis, E. est æquivocum. R.
Neg. Antec. cum probat. in rigore philosophico
sumptâ.

OBJ. 2. Porphyrius & Aristot. passim Ens æqui-
vocum vocant, E. R. in illo significato, quod
omne illud est æquivocum, quod non est uni-
vocum, Conc.

THESIS X.

Ens est Analogum.

Hypothesis.

INtelligenda est Thesis (1) de Analogia Attri-
butionis, non Proportionis. (2) De Analogia
Attributionis intrinsecæ, ita ut forma denomi-
nans sit in utroque membro; quamvis in uno
abso-

absolutè. in altero per habitudinem ad aliud; non attributionis extrinsecæ: ubi forma denominans in uno tantum extremo est; in cæteris verò saltè intrinsecæ habitudinem ad aliud. (3) De competentia inæquali, non æquali.

Catathesis.

Annalogia Entis defenditur Rationibus his. (1) q. Ens nec est Univocum nec Æquivocum, ut ostensum. E. Analogum. (2) q. Ens inæqualiter contrahitur, E. etiam inæqualiter præscinditur: hinc si est inæquale in re, erit etiam inæquale in conceptu.

Antithesis.

Obj. 1. Non datur prius & posterius in conceptu, sed saltè in existendo, E. conceptus Entis non est Analogus. Conseqv. prob. q. Analogia est communicatio ejusdem essentia per prius & posterius. R. Neg. Ant. q. etiam in conceptu datur prius & posterius, per abstractionem ab illis, quibus realiter inest. Nam quod prius est in re, prius est etiam aliquando in conceptu.

Obj. 2. Q. æqualiter participat ratione prædicationis, Quid non est Analogum. Atque Ens æqualiter participat in ratione prædicandi. B. Mia. prob. q. nulla est differentia in primitate prædicandi in his: Substantia est Ens, & Accidens est Ens. R. Et in ratione prædicandi est inæqualitas: q. non esset vera propositio: Accidens est Ens, nisi prius vera esset, Substantia est Ens.

THE S. XI.

Essentia rerum sunt æternæ.

Hypothesis.

Essentia rerum dicuntur æternæ (1) non ipse esse reali, proprio & formali, sc. si in se semper durent; sed in esse cognito ideali & repræsentativo: (2) Non *Physicè* secundum essentia realitatem; sed *Logicè*, secundum prædicatorum essentialium & veritatem & connectionem.

Catathesis.

Assertum prob. h. m. Quia idea rerum fuerunt in
DEO

DEO ab æterno, ad quarum exemplar formatæ sunt ipsæ in tempore: unde etiam dicuntur æternæ veritatis: quoniam quod est de essentia rei, id necesse est, perpetuo rei conveniat.

Antithesis.

Obj. 1. N. creatum est æternum. Atque O. essentiarum sunt creatæ, E. non sunt æternæ. R. N. Creatum est æternum in esse reali, proprio & formali Conceptu in esse cognito ideali & representativo Neg. Maj.

Obj. 2. Si essentiarum sunt æternæ, E. etiam ab æterno existerunt. Sed hoc falsum, E. & illud. R. fuerunt æternæ physice, & ratione inexistentiæ etiam ab æterno existerunt, Conc. Si Logice & ratione convenientiæ sive prædicationis, Neg. Connexionem.

THES. XII.

Essentia rei est indivisibilis.

Hypothesis.

Dist. hic venit. (1) inter Accidentia & essentiam in se spectatam. de hac. (2) inter essentiam compositam & simplicem de hac. (3) inter indivisionem totius in partes essentielles vel integrales, & in alias sibi quæ æquales. de hac.

Catathesis.

Ratio Axiomatis est: quia Essentia rerum sunt finitæ numeri. Quemadmodum itaque numerus in plurales, qualis est ipse dividi non potest: ita nulla essentia in plures tales, qualis est ipsa, dividi potest.

Antithesis.

Obj. 6. Totum est divisibile. Essentia rei est totum aliquod, E. est divisibilis. R. Dist. inter Totum simplex & Compositum, inter Essentiam simplicem & compositam: inter divisionem in partes essentielles sive integrales & essentias æquales priori modo Conc. posteriori Neg. totum.

FINIS.





